

書

澹寧居詩集目錄

卷下

○雜興部

七言律

庚辰偶興

十首

庚辰限三字韵咏懷

五十首

七言絕句

燈夕山房

三首

夏日偶成

十首

少年行

五首

青溪曲

三首

秦淮曲

十四首

偶詠代倡

一首

七言古風

長履景福至萬年 一首

歌行

天閒四駿歌 一首
太平踰 玉龍媒
吉良乘 瘡臺駿

五言律

山居雜興 三首
山房卽事 五首

小齋雜記 二十首

五言絕句

山行 二首
四時樂 四首

○雜詠部

七言律

題城隍尊神扇 一首

瑞雪 四首

燕邸對雪 一首
閣中牡丹 一首

七言絕句

咏筆 二首
咏硯 二首

咏墨 二首
咏紙 二首

雪坡道人戲墨 六首
館中憶家慈誕辰 二首

建陽劉龍田遺冊 五首
咏丞相燈 二首

亭中梅 二首
玉蝶梅 二首

雨中梅 一首

月下梅 一首

悼雨 六首

良鄉夜憶君聞 一首

五言律

良鄉署中憶弟 一首

咏庭梅 一首

五言絕句

望鄉臺 一首

爨下吟 一首

水芍藥 一首

青塚 一首

靈巖松 一首

解語花 一首

巫山夢 一首

平臺 一首

黃公壚 二首

阮公白眼 一首

豐城劍 一首

仲宣樓 二首

習家池 一首

九花虬 一首

新豐 一首

細腰宮 一首

擊賊笏 一首

大夫松 一首

寄衣曲 四首

橫山龍母廟 一首

惡谿 一首

○ 閨情部

七言律

宮詞 十首

七言絕句

春日感懷 十八首

閨怨 八首

宮怨 三首

漢宮怨 四首

長門怨 一首

唐宮怨 一首

青樓怨 八首

七夕怨 十首

代別 四首

代荅 四首

閒情 二首

催粧詩 七首

五言律

美人看畫 十首

○悼亡部

七言絕句

輓徐然明 四首

寓金陵懷亡婦 六首

輓李夫人 三首

輓顧農長 八首

五言律

哭涇陽顧先生 十首

悼王凝明 一首

江右聞先君子訃 四首

五言古風

悼蘭兒一首

...

...

...

...

...

澹寧居詩集

卷下

梁谿馬世奇素修甫著

門人顧

樞所止甫跋

後學華繼敬學校

雜興部

七言律

庚辰偶興

十首

眼底浮情似奕碁
清評九曲繫微絲
書畱筐筴慙經國
人在干戈愧救時
貧習素風安食晚
懶懲綺語慰吟遲
高山雅慕芝堪采
可得蒼生盡療饑

二

閒庭咫尺費幽尋
永日機忘似漢陰
飽涉風霜諳物態
冷觀雲霧諒天心
傳燈宗自分南北
隱几人何辨昔今
爲德終疑名是杓
藏身千古不嫌深

三

人境誰堪靜者居
地偏環堵得吾廬
未忘積習拈兒課
不盡勞心讀父書
有譽應知皆是咎
無藏聊復可稱餘
生平努力崇明德
悟到于今半子虛

四

一室依然生隱心
白雲到處卽爲岑
窓餘遠景存詩意
客有清言入語林
小几曲肱叅夢覺
砌堂杯水閱浮沉
自知亮節音難合
未敢隨肯歎歲陰

五

偶然多病類相如
暫學維摩丈室居
好尚難爲嫌力淺
人皆欲殺愧才疎
門清頗喜頻羅雀
澤小時憐未放魚
但得一人知已在
等閒忍作絕交書

六

王于幾欲念同袍
大地驚雷半繹騷
集蓼有懷分主

恤獲薪無計起民膏史能盤礴爲真畫庖至疇踏始善
刀此意如堪參治譜不應撫字獨心勞

七

攬帶徬徨未忍論百年養士幾酬恩瓦全雖處榮逾辱
金注時緣巧得惜強半名皆通劍學無端疾更自醫門
目前事事堪流涕社稷憂勞獨至尊

八

壘空大澤總浮家靜極何妨物自譁河伯至門終見若
射工無影聽含沙六時未掃苔三徑一字難傳書五車

莫爲息深嫌寂寂至人有道本龍蛇

九

雅運千秋寄逝波詞壇冠蓋自肩摩交情漸較先賢少
物譽方歸後起多吹劍頻聞爭一映佩觿誰解領三訶
澧蘭沅芷無窮思時共清歌喚柰何

十

十載宵衣識舜裳聞雞時復憶鸞將每占天市論荒政
問望攬槍弔戰場自咎文章能徙鱷于今書冊等亡羊
明明聖監允如漢欲報猶漸對七襄

庚辰限三字韵咏懷五十首

適見董玄宰先生三字韵詩做以見志遂

得五十首于先生浮其廿矣買菜求添爲之一笑

老未知非自覺慙元龍湖海氣逾酣天人地籟同吹萬
君父師恩等在三國步方艱時負恨名心難化亦疑貪
如今回首迷津處始識冥山不向南

二

風塵久已誤清談出處人誰九叩擔五日國中儒服一
千年天上客星三錦雖登廟原非貴瓠以爲瓢轉自慙
冷眼當場叅欲破青山何地不終南

三

萬戶干戈亂未戡天清半壁在東南民勞不望耕餘九
聖澤方欣網祝三瓜繫粟薪猶歎苦鷄懷桑黠漸知甘
聽蛄無事須深慮正慮蜩蟬築舍談

四

未論斗北共箕南杼軸猶存半不堪澤裏哀鴻成堵百
月中驚鵲繞枝三廟謨無日忘戎素野老有心卜歲甘
正爲憂天頻輟食閒情敢復問靈柝

五

帝座明光淑氣含
挽槍欲落夜參參
天驅虎去當
星炤魚空在鬻三宵
肝未忘思鉅鹿陽秋
時望起江
何人爲續王褒論
聖德今應暨朔南

六

元戎前隊半丁男
但得來思雨雪甘
堂上論功
師中錫命已踰三
時聞折首螳猶怒
日計擒生
未會
侍從十季慙虎拜
獨賡江漢望平南

七

共道蚤山負未堪
終踰絕險問誰
請重關封有泥丸一

便殿宣頻晝日三
嘗膽幾憐句踐苦
飲泉偏畏伯夷貪
同堂胡越猶難化
何必王庭在幕南

八

剪茅長傍樹鬢髮
山水清暉向此含
磴曲快扶筇節九
門閒冷看戟枝三
抱琴不礙當微醉
堅壘無心禦劇談
獨爲慈親貪永日
老人星屢望孤南

九

王氣詞壇屬斗南
百年俛仰復何堪
文章有命曾傳九
天地無才孰擬三
匹絹未能酬隻字
千觴聊用謝高談

目前不識圖書貴秘府猶從東壁叅

十

中原流徙滿東南咏罷茗華淚自含
歲苦人誰供黼二
昔艱實僅見梅三無門投轄緣炊桂
有母尸饔愧植藍
天意益多民命賤兼金易得粟盈甌

十一

霜清潦盡見寒潭欲問天根向此叅
獨處何堪慙忍一
同心率爾笑成三每逢難字思窺豹
時有貧交愧脫騃
綿力不忘崇令德培風猶自負圖南

十二

高名天漢復誰堪萬古開懷任吐含
海水杯中浮點九
江濤筆底似神三齊諧志怪原難盡
楊子談玄亦自憨
世眼不知金翅異春風惟唱鷓鴣南

十三

幾爲時紛念用燄行藏何處可深談
吟思得句吞雲五
憤欲麾戈返日三每厭春華能廢實
偏欣暮氣更餘酣
真人踪跡原難定未許輕傳太史儋

十四

湖山有待自情含獨秀江東似未堪學愧五經兼緯十
人懷一日擬秋三樂饑飽廢青精飯撥悶閒臨紫石潭
聞道清談見滋味時從詩句想餘甘

十五

左室陶庵右邵庵偶然勝事愜幽耽梅株笑得傾城六
客坐人來不速三吟罷詩壇腸夏瘦飲餘茗社戰猶酣
此中月旦應難定無事高名向汝南

十六

世態雖當老未諧形骸內外任人叅浮名宿借蘧廬一

結習書餐脉望三觴密尚嫌中雅酷香寒昔惱小青憨
自惟拙政慚多負何必深論七不堪

十七

心似枯禪鬢欲毵茫茫苦爲勝情耽游當卧處州逾八
書置懷中歲已三彥會未忘尋維浦玄鋒每欲破嶠函
何時拈取無言意不盡天花一笑叅

十八

偶成小築擬書龕一面清光借蔚藍欲類維摩容笏十
却同明允得峰三庭依瘦竹爲淇右坐對名花卽日南

未免有情誰遣此玄微畏向鏡機叅

十九

百城萬卷恣竒探物理盈虛邇漸諳人盡叱噉爭轉四
我頻辭酌畏過三茵飛花徑聊移坐塵借松枝不廢談
滿目浮華初日權鉢間何處認優曇

二十

眼際玄黃總不諳指顧時自望遙嵐囊羞猶笑錢留一
地僻翻嫌徑啓三客有餉尊殊勝酌吟因洗硯半臨渾
醉眠莫怪遽遽覺新奉莊生領蝶庵

二十一

宛委何季發秘函名山霧氣半疑嵐共摹枚叔文爲七
漫詫張衡賦有三詞客僅聞留片石佳人誰可贈雙南
鴻軒鳳舉原無幾莫認彈冠是盍簪

二十二

空齋清寂禮珠龕咫尺玄門未易叅畏世時驚眠覺一
防身勉學口緘三道心似闕終生白人意難盈類采藍
多少高冠車上儻半將粵鐔笑燕函

二十三

百端交集竟誰堪世法應嫌我法慙語苦無嫌酬妄一
舟時逢怒觸呼三稍存偃蹇還鼓桂已化參商學讓楠
十稔門庭煩筆札今餘松下兩經函

二十四

長齋繡佛不須龕閱徧諸方只自叅安得年華嘗滿百
偶呼月影適成三滄桑屢換鳧仍乙雲雨頻翻青出藍
東海誰人尋意怠梁間終日鬪呢喃

二十五

爲愛幽偏靜似慙時逢風日助清醑興來偶補亡詩六
吟苦仍憑罰酒三貧乏青山蕪副墨儉餘白業施名藍
人貪噉蔗思佳境回味何如攬更甘

二十六

竹里于喁和正酣嬰鳴同響自相參敢云悟法能歸一
時復聞言爲倒三座挹蘭心成九畹窓畱錦宇近千函
孤情欲擬思玄賦每對深知未忍談

二十七

飛晷移人曝未酣眼看北陸又過南草亭已占乾坤一
觴具何來鐘石三名利東西無並袒枯榮左右各分駮

莫云用拙偏吾道尊置中衢正可叅

二十八

覆蓬無飾任垂甍儒術謀身未覺愁花到開時憐七七
字當橫處辨三三敢從麴部尊孤少願得詩壇附子男
廿載千金慙敝帚尚餘聲價大江南

二十九

亭臺小可自烟嵐幽意長將野趣耽有約率真存簋二
無心闔巧累九三未馴傲骨狂垂老愧負清名謗亦堪
留得輞川圖尚在不逢裴十與誰叅

三十

客塵觀盡許誰叅靜坐微香篆似嵐入想有根龍毒五
安心無法象調三醜人世或猜羊叔同物我仍問李聃
悟徹風旛非動處一燈何必定宗南

三十一

松風夢老欲成愁衡宇蕭然人外叅半臂白綾名岳五
一泓玄理素雲三書疑問棘原無語飲怪留髡尚未酣
若水莫嫌交意淡清流分得二泉甘

三十二

白石無多偶結庵側身懷古興初酣快書不厭篇逾十
妙畫何妨頰益三苦之一琴堪伴鶴時容五柳斲維驟
非關車馬喧難謝風月清閒自可談

三十三

閒向前賢乞指南投針時似隔微參尚留仙障名居一
未斷言筌知問三解易遠猶疑輔嗣草玄近敢望桓譚
人間妄意論天上慧業文人半是慙

三十四

長日冰心冷碧潭憂時忽覺念如惔倦眸懶望朱衣兩
褊性羞容白撰三天豈弗勝疑夢夢虎還能視任眈眈
誰嫌老大仍癡絕自咎名人不諱慙

三十五

二酉書同半偈叅萬緣空處思逾單偶因感事歌成七
特爲推賢歎至三名士翻嫌平叔巧美人偏惜寶兒慙
繇來愚智誰多累涉世應知醴未甘

三十六

吾愛吾廬丈可函此中名勝半東南讀書頻獲珠船一
采藥曾探石困三時遇素心同靖節愧無藻思發羅含

自知落落多難合材不材間總是愁

石国在衡岳余曾以使事過之

三十七

清吟寂寂似江潭夙負玄心薄綺談博物厭尋龜聚五
論交誓軟雉壇三風流可愛看新柳雷雨猶爭歎老楠
欲慰相思尊酒夜夢中識路更難堪

三十八

墻東研北我何堪偏側時時滯巷南類事未能分架七
讀騷聊復引杯三讒雖似貝榮逾錦氣自爲雲勝擬庵
正是清貧王仲祖不妨知己僅劉惔

三十九

盃酒相親倦未堪披襟清對醒逾酣勢交自貴侯鯖五
心賞偏饒椽語三多忌每因存黑白無徒有喜近朱藍
幾季塵土誰當洗臨水欣然獨倚驂

四十

詞苑誰當辨好慙聊存淨業傲精藍生耽古癖書兼兩
力洗時囂艸易三人似玉寧終碌碌樹環居亦自潭潭
長哦相對渾忘語絕勝中朝水鏡談

四十一

無季猶得米餘甌剪韭論心味亦甘鶴解啣書何待六
鳥能授語不須三早妨盥節耽詩債晚惜膏油記筆談
却笑杜陵貧病後江亭風雨憶黃柑

四十二

庭閒翠篠任風含坐對娟娟懶更愁終日談天標指一
何時悟性見身三自憐苦節猶多着欲酌狂泉柰未甘
誰是獨醒仍混俗悠然遙想百花潭

四十三

天心月脅豈能諳兀坐微吟自課庵分部書傳經庫九
惜陰時假日餘三千季鴻寶方猶秘一水玄珠智未探
叅到默然光焰處病摩無語坐同龕

四十四

無妨玄覽自孤耽夕秀朝華槩未諳敢許詩成又手八
妄思易悟絕韋三靜堪補病誰爲藥深可存身不用龕
半世蜂鬚花蕊裏如今食蜜始知甘

四十五

卧病無心卧自酣忘機欲盡識機愁寡營微解全生六
多累初諳用短三香縷聽隨雲出岫書籤憑帶月歸龕

千秋長笑名人癖幾處碑沉杜鎮南

四十六

柏樹庭前儘可參懶將佛法問湖南道心已渾龍蛇一
物論猶爭朝暮三時聽磬音當洗耳閒鋤菜甲待分甘
此間疑義無難析風雨連床自對談

四十七

浮雲世事久相諳薄俗何從辨矢函火宅蓮花惟忍百
酒杯弓影漸迷三鳩存鷹眼雖難信鶴入鷄羣亦自甘
江左人人叅麈尾南華齊物未會談

四十八

閉關經歲未移龕隴蜀人情已飽叅舐痔賜車連乘五
支離拜粟受鐘三犧尊偶借文爲貴臄腹從教滿卽甘
却哂路傍名利客長生更欲訪彭聃

四十九

搔頭髮漸不勝簪冊府猶能炳燭探十五國風夔足一
二千年事豕訛三竒文浪共時流賞疑案難從古德叅
幾費推敲渾未定讀書半謨斲輪甘

五十

悲喜春華晚覺愁飄風南北亦何堪物情咫尺疑峯九
世路須臾渡峽三門外高軒嫌客過籬邊小徑畏人諳
幾時喚取岷峨老與作平原十日談

七言絕句

燈夕山房

三首

青山蘭若白雲僧嫩草跏趺護小乘夜半上方鳴磬寂
月華高炤涅槃燈

二

翠屏晚對隱流霞歌管城頭十萬家月靜空門遙辨曲

忽疑今夜落梅花

三

星橋千尺綵雲欹一曲霓裳火樹枝香剝自應空色相
翻訝明月炤琉璃

夏日偶成

十首

柴扉一面對墻東綠樹無陰鳥語空何必北牕堪避暑
卧遊隨處足涼風

二

匡床晝靜火雲凋門外車鄰恩寂寥客到不須題鳳字

一枝原自托鷓鴣

三

三徑陰陰逼暑寒
還疑箕踞勝衣冠
醉眠并謝求羊去
一枕涼颺是故歡

四

瓜浮清水映冰綃
聽罷胡琴聽洞簫
疎竹似憐人在暑
樽并相和弄鳴刁

五

三尺胡床近竹移
杯中河朔度炎曦
偶因肺渴思開卷

和得淵明止酒詩

六

津南渚北怯臨觴
好句翻憐夏日長
夢裏未知荷似蓋
猶疑春艸在池塘

七

石上眠雲午正長
呼童洗盞覺泉香
那知大火流金日
更得茶烟一縷涼

八

庭竹生飈晝自摩
青翻書帶落殘柯
偶逢一字風霜氣

已勝靈犀辟暑多

九

柴門初放碧雲還
豈爲迎風更啟關
千古不知人意熱
至今涼殿說冰山

十

落日晴煙罩柳絲
碧空雲散送涼遲
脫巾露頂頻呼熱
五月披裘是阿誰

少年行

五首

一笑相看七貴筵
袖中三尺小龍泉
縱令囊底空如洗

不向屠沽乞酒錢

二

平生意氣說屠蘇
南定巴邛北定胡
最咲長卿成賦後
還令少婦獨當壚

三

馬上金鞭白玉跗
青天搔首碧雲孤
醉時杯酒誇季少
不信王家有唾壺

四

萬金不惜買吳鉤
報國情深耻報仇
多少英雄傳劍俠

幾人能斬郅支頭

五

擊筑高歌燕市寒
劍中意氣酒中看
荆卿豎子成何事
未到秦庭已白冠

青溪曲

三首

明鏡青天夜夜懸
寒芒飛射欲生烟
嫦娥應解憐同病
竊得靈丹不肯傳

二

千頃江流一帶長
空堦草綠暗聞香
卽今多少關山月

何處無郎更斷腸

三

日落寒潮冷碧滋
不堪古廟夕陽欺
殷勤尚與東風約
莫遣青松引兔絲

秦淮曲

十四首

絲水微風荇蒂牽
長季見客競開船
聞郎欲向旗亭去
且會船錢作酒錢

二

高臺迢遞淨無塵
半露紅妝笑語頻
欲打鴛鴦驚未定

誤拋朱彈着遊人

三

飛閣浮空別有春
迴廊咫尺下通津
橫塘相問渾相識
十五女郎不避人

四

瑤軒少婦爛朝霞
繡譜新添並蒂花
捲擲金針秋思亂
捲簾鳥語喚鄰家

五

淮水潮來不起波
江天芳樹暮烟多
殘花落盡空秋色

到處西風惜菱荷

六

平康舊里夕陽秋
銀燭金樽約隊遊
俗殺佳人南國盡
莫愁湖上使人愁

七

青樓斜掩大中河
一葉飛秋雨色過
獨典春衣沽酒去
醉來金縷不成歌

八

日斜風急鳥無言
兩岍行人一樣喧
畫檝中流看漸隱

細聽歌板是閨門

九

漢宮芳草怨秋天聞說

先朝獨黯然一自北平收王

氣何人更賦帝京篇

十

秋老江天景未闌梨園傳語試勾欄
雲鬢半掩秦淮月
渡得新聲不肯彈

十一

六朝金粉一樽愁手掩雲蛾
勸客留別後相思都不見

旗亭羌笛幾聲秋

十二

萬騎南巡正德年內家前隊鐵連錢
白衣舞罷乘鸞去
應有霓裳曲未傳

十三

早潮纔去暮潮過一日輕帆客到多
不問桃根問桃葉
渡頭音信近如何

十四

馬首紅塵拂帝京纔題鳳字又空行
日低雲起愁將夕

前路還聞呵殿聲

偶咏代倡 二首

瓜留鴻去何妨跡
繭破蠶飛不着絲
欲得兩邊無負墮
此中微義儘堪思

二

人世浮沉一指織
花香柳絮任蜂黏
既知滴水同歸海
何必終求苦筍甜

七言古風

賦得長履景福至萬年

天長地久誰齊季
君明臣良子孫賢
合體勲華離兩作
同心奠麗光重宣
日端碧雲長似蓋
黃河千曲呼爲帶
小雅勿廢四夷賓
天寶治內采薇外
大小球共集殿庭
東西尉候鼓不鳴
雌雄各六諧鳳凰
一日一葉階生莫
公卿時進千秋鏡
野人卧話羲皇盛
治粟無煩孔大農
滅賊何勞霍去病
商盤從容銘又新
山龍坐鎮世如春
不用采銅登首嶺
不用訪藥遲三神
歲取十千將進酒
南山一觴徧大斗
吏呼婦啼總無聲
薰風處處飛榆柳
未知閭闔開何時
彷彿帝社同初曦
歌成九叙樂萬舞

扶桑依然馭未移我聞陽生日始永律中黃鍾應脩景
真人呼吸帝座通視履有如度晷影繩繩振振終宐王
連珠懸璧徵輝煌天地一元十二會一會有來一線長

歌行

天閑四駿歌

太平駒
吉良乘

玉龍媒
璿臺駿

皇朝治紀羲皇年龍馬一畫開先天如鳳在閣麟在藪
生爲中興瑞簡編牧人占夢今已驗駉牝三千歌塞淵
中有四匹稱竒特嘉名遙自彤墀宣紫花散作雲縱
橫有駒有駒應太平渥洼一出草昧啟能令雷雨不敢

盈亦有神駒汗血同千年龍種原從龍時乘御天寧
萬國閭闔依依在下風誰爲未輦雙黃金八鸞喙喙穩
且深言有乘者壽十歲嵩嶽三呼貢其琛璿臺一望凌
青雯夏后兩龍何足云瑤池仙跡久寂寞黃竹歌聲如
重聞聖明盱食懲小毖手持萬幾如六轡問富原與
數馬殊按圖亦豈垂裳意况當干羽兩階陳一怒天
威次第申華山方擬尋周鎬小戎詎復同西秦自來市
駿喻求賢拊髀頗牧念亦然驅黃牝牡吾何有饑渴有
懷九方歎月爲重輪日重光當今天子嗣文皇思

無疆馬斯臧詞臣且莫賡漢唐願上魯頌駟篇之四章

五言律

山居雜興 三首

山中了山政一榻亦華胥石澗魚通道籬亭鳥卜居樹
稀青嶂密牕小白雲疎獨酌謔招隱翛然興有餘

二

翠屏疑欲咲晚對近模餽竹瘦畱詩骨松孤落畫圖閒
同僧說偈醉與客呼虛不識宗乘法還分大小無

三

聊買深山隱羞爲長鋏彈據梧當盡寢敲果代朝餐觴
政歸綿蕞譚資借鶡冠不知秦世遠猶作武陵看

山房卽事 五首

夙有烟霞疾翻爲蘭若淹水遙頻倚杖山近不除簾詩
思茶香逼文心酒態兼興闌無一語跏坐誦楞嚴

二

偶然三徑裏別有一天開壁老衣爲蘚山深路是苔
憑鶯喚覺書倩鶴啣來坐待僧歸盡閒雲尚未迴

三

言尋黃綺約小築近山尖攬翠雲添色迎涼日解巖松
穀歸枕角梧影落書籤性癖耽幽寂僧來亦可嫌

四

閉關非避世聊自適吾狂澗曲迷花逕林深辨艸香烏
窺人性熟塵引酒杯長清月時相映悠然華子岡

五

偶翻高士傳更得養生書吮筆臨蕉葉烹泉摘笋蔬不
妨形似鶴正喜夢爲魚睡覺忘中夜疎牕月半虛

小齋雜記

二十首

聊借一拳石高低巧作山窓留雲氣入徑逐蘚紋彎花
醉頻難醒書淫更得閒誰云濠濮逸五岳卧游間

二

偶然成小築不必買山資鳥語嘗終日花開仍四時書
逢翻案快客到出關遲痛飲非吾事聊能讀楚辭

三

故是棲幽性雅惟抱膝空敲喧懸雀網惜樹剪蛛絲暑
爲衣冠病涼先薜荔知前身疑脉望擁卷遂忘疲

四

敢擬東臯適聊存北渚心魚游自千里樹密亦層林
耽賞忘晨夕招尋盡古今此中堪却老不畏二毛侵

五

無意登臨羨稍修巖壑容泉清秋界片山亂夏雲峰
貧自欣南阮香肯愛小宗所須原易足非獨任踈慵

六

豈忍安居息有肯簡送迎課兒猶筆健憂國特心忪
閒借譚爲壘慚呼墨作兵微吟梁父句五內已難平

七

地偏猶在郭囂遠自吾廬艸長花堦隙禽分客饌餘
浮名存筆硯靜理悟樵漁剝啄時相及開函讀遠書

八

百端芒未了三徑自徜徉禪聽兒叅偈醫憑意簡方
曠吟天更寂靜坐日加長妄擬滄桑外白雲此一鄉

九

西里鳴珂地依然處士家懶無妨定省冗不廢烟霞
墨點枝間露毫飛石上華牙籤抽未盡明月在窓紗

十

大隱吾何敢清娛似獨偏懷人三代上索句六朝前石
未堪呼丈梅應好字仙摩娑時自叙甲子已成編

十一

正爲蓬心短因知拙政宜物情憐伏莽時局感紛絲名
敢嫌鷄肋風還慕鹿皮閒居應可賦桑土苦縈思

十二

爲因休沐暇乞得嘯歌身自覺琴尊好彌知骨肉真石
扶高下磴花坐淺深茵何必池塘句無言意亦親

十三

人生紛有累吾意泊無求書偶臨釵脚錢頻下杖頭微
颺分酒冽好月助花幽保此居然勝長卿况倦遊

十四

幽情時一往野趣忽然深蓄水承簷溜携書借樹陰樂
饑憎夢食忍躁欲師瘖特爲思量久頻頻擬嗣音

十五

平生風雨意聊此息漂搖句自挑燈落朋多折簡招未
能忘主恤屢爲訪民謠徵調中原盡清人念在消

十六

闕地逾函丈諸生屢過從偶然逢獵喜不自厭龍鍾嗜
古存祧主嘲時薄附庸登壇多姓字羸呂漸移宗

十七

吾腸非不熱託寄在秋霜賦爲憐鸚鵡裘頻典鷓鴣鑒
清交自重金盡氣彌剛一榻無多地悠然千仞岡

十八

方欣蘭竟體俄歎艾盈腰性已成孤往心微感後凋憤
呼騷共飲愁見吶仍消欲擬思玄賦還虞負聖朝

十九

久以名逋累仍從詞玷償膏油還繼晷竿木輒逢塲腕
病因文劇身閒爲筆忙是間饒碎錦差勝午橋坊

二十

本具容身地兼爲白課庵竒聞參海錄佳句入叢談義
有疑相析文餘癖共耽推敲逢苦處時味古人憨

五言絕句

山行 二首

巖棹向幽林捉月嫌月小酒醒月漸低鳥聲喚人曉

二

偶尋麋鹿游欲就烟霞語路轉一峰迴忽焉迷去處

四時樂 四首

攜琴聽鶯聲鶯與琴相續琴亦自無絃鶯亦自有曲

二

石泉薄微暑移床傍疎林茗戰幸得勝冷然清客心

三

坐看天漢清不覺山光暮時呼酒作渠月向杯中度

四

坐客顏微酡佳人嬌不語呼童取冰條聊將比玉筍

雜詠部

七言律

題城隍尊神扇 一首

開國明禋自帝庭一泓正氣九峰青舉頭天網長疑密
滿目錢神不敢震願引甫申皆降嶽喜調風雨總從星
誰言百里陰功近無錫繇來天下寧

瑞雪 四首

天借同雲爲報祥縱橫點點夏餘糧騷壇授簡辭皆韻
茗社飄烟味亦香翠嶺夜明千里照碧枝朝擁萬年長

玉堂相對清如水此日真疑玉滿堂

二

月幌當風屢欲寒乍翔忽舞自姍姍君王未覺狐裘煖
臣子敢誇鶴氅仙瑤島合來霜是藥寒林飛去雨爲錢
時清不喜稱祥瑞黃竹還歌第幾篇

三

一色遙峯碧幾盤萬方瑞氣自長安膏苗應雨歌周雅
解慍隨風入舜彈雲暗不妨雲闕曉霽開仍映五韞看
無煩掃徑頻迓客自有皇仁爲煖寒

四

忽傾玄圃下寒潭一片雲衣舞正酣德應坤元花是六
年方大有白當三縈空似欲清詩骨霏屑還堪佐塵談
此日金臺歡未極尚分餘澤到東南

燕邸對雪有感 一首

誰碎冰條是處飛遲遲行道正霏霏劍花拂薊添霜皎
弓影橫遼映月微將肯乘宵終破敵士知挾纊不思歸
郢中高調非難和千古無人續采蠶

詠閣中牡丹 一首

零露初分太液長
絲綸閣借錦爲章
地深欲護風雲氣
天近疑承日月光
色映舜裳非在艷
瑞同堯莢不爭香
一般携得姚黃種
未許人稱是雒陽

七言絕句

咏筆 二首

一落長空風雨驚
斗邊紫氣共縱橫
秦庭莫更誇和璧
赤手能償十五城

二

金羈犀甲鳳凰池
單騎文場斬月氏
不學玉門班定遠

季季芳草問歸期

咏硯 二首

一泓清水亦滄洲
幻出龍蛇十萬頭
誰向玉關誇燕頤
論功先拜石卿侯

二

瑤池初滴露涓涓
對面能移三峽泉
一捧金鑿妃子咲
何人更似李青蓮

咏墨 二首

一賦長楊署客卿
風流佳話憶西京
至今御案承仙掌

猶自嵩呼萬歲轂

二

天峰烟氣近崔嵬十二龍賓一道開莫歎艸玄今尚白
諭糜早晚漢宮來

咏紙 二首

一般麗藻在春華字裏風霜自漢家人世但知憐月露
沉香亭北賜金花

二

一落詞場藻欲浮朝華夕秀幾春秋不知誰似靈光殿

但說能脩五鳳樓

題雪坡道人戲墨

道人畫荆棘曰純是小孩都無君子時為正統乙丑故云

萬騎蒙塵泣翠華滿前荆棘帶胡沙政留殘墨添雙淚
莫認侯家是畫家

二

百戰山河憶 孝陵漢家何事紀中興南枝不逐鑿與
北長恨行人說紫藤

三

不酒飄零月一梁獨留詩思付佯狂不堪醒眼多荆棘

千古芝蘭在醉鄉

四

狂醉稱侯雪作宮聊將墨妙領清風此中亦有丹書在

遜得劉伶第一功

道人故當襲鎮遠侯封讓其弟玘

五

兩兩三三墨未枯太平往事寄模胡祇今着筆紛題語

可識高皇櫛沐圖

六

華子岡頭輞水春閑題摩詰再來身亦知世眼無相識

不倩旁人為寫真

館中憶家慈誕辰 二首

回首龍峰隔翠微歸心長傍白雲飛况逢此日萱初發

飄泊天涯獨掩扉

二

別路無多別夢長薔薇花發滿籬香可憐陟屺空明月

不上南山壽一觴

題建陽劉龍田先生遺冊五首

先生為計部洪策之父

地勝天鍾闕里偏家屐前代起三賢 公家舊有三賢 應知美德

難更僕戴記傳來儒行篇

二

五緯兼通號十經圖書看向少微星爲尋一脉傳衣處
玉枕峰前望考亭

三

門非五柳亦長關今古儒林一手刪似引硯山供著述
溪流九曲盡爲環

四

風高遙擬鄭公鄉月旦猶餘姓字香未論溪橋歌利涉

度人何處不津梁

五

理窟千秋面欲生傳經心事託玄成誰知三錫恩章貴
更映園橋一水清

咏丞相燈

天啟癸亥
正月有感

偶因人熱在春宵紙作衣冠金束腰多少中書稱伴食
輸君終日腹長枵

二

誰爲頰上着三毛兩袖頻低忽又高尚少人間紗帽相

腹中長劍口中刀

梅花

亭中疏梅二枝相對情深輒賦二絕酬之偶客在坐日却一是怕妬梅花一是不怕妬梅

花也落
筆自咲

碧袖香飄舞未殘漢宮春早耐輕寒當先不管蛾眉妬
長得佳人獨立看

二

萬種春情但有香風前微笑送斜陽玉顏恐惹梁園妬
瘦骨年年對沈郎

玉蝶梅花

樓前老梅二株俗呼爲玉蝶花容極爛淺紅點點與碧相錯凭賞良久亦用二

絕酬之却又一是醒梅花也笑而自記

夜寂朱欄待素娥不禁冷艷帶微酡一般愁緒牽春色
醒處何如醉處多

二

雨暮雲朝不洗妝微調朱粉試寒方舞迴紈袖香魂醒
贏得西施白玉床

雨中梅 一首

浮雲四塞似長門待曙亭亭影欲昏真覺咲啼俱是態
不妨破粉更成痕

月下梅 一首

清光一道出明離
吹氣如蘭人未知
縱使傾城渾不語
多情自對影娥池

悼雨

初夏積雨匝旬田家泣聲烏鳥矣已得見朝暉不啻喜滿大宅也而雨伯不仁輒復以

盡夜繼之披衣聽床頭簷溜如百丈飛泉下衡嶺為之悽然扼腕口占遂得六絕末二章正不免代肉食之

憂耳

長夏枝頭翠染衣
霏微青嶂弄朝晞
燕端水在中門限
日日千家靜掩扉

二

長日行人半濕衣
溪流新沒釣魚磯
卽今雞犬穿籬熟
盡向茅簷避雨歸

三

柳岍千尋一水齊
村家茅舍屋梁低
憐他巢燕翻泥去
對對高樓帶雨棲

四

千頃平疇浸綠蕪
寒蛙竈底自相呼
厨中二八蒸藜婦
泣斷朝烟問老姑

五

天邊千尺下銀河縱目東南半壁多一道哭聲雲霧裏
村春野火斷吳歌

六

雲柏山頭浪柏廬蕭條野景似淮徐但教望得長安日
回首汗邪已滿車

良鄉夜懷君闇

一首

漏永翻憐燭易灰曉光寒共月光催倦憑古驛仍無夢
那得池塘佳句來

五言律

良鄉署中憶弟

一首

自貪情話好特畏簡書嚴遙路行偏促離尊醉亦嫌夜
馳星到驛寒對月當簾坐卧終無寐烏啼在樹尖

咏庭梅

一首

小築非三徑孤標自一林未容鶯作友况許蝶相尋粉
咲何郎俗香留荀令深誰憐春色早原帶歲寒心

五言絕句

望鄉臺

一首

語君莫望鄉君是單于臣不知君父德何知骨肉親

爨下琴 一首

與向侯門彈寧在厨中死懊恨山水音悞識中郎子

木芍藥 一首

一片沉香亭都將國色驕不作海棠睡何必是花妖

青塚 一首

死是單于婦生是漢家女可憐塚上枝不作合歡樹

靈巖松 一首

何物靈巖松分出東西路爲語佛菩提不來亦不去

解語花 一首

喚妾解語花是花何用語畏他東風吹花容不堪御

巫山夢 一首

曾從巫山來還從巫山去千古巫山中幾曾見雲雨

平臺 一首

突兀梁王臺長據睢陽城只因惠連賦易却舊時名

黃公壚 二首

欲移黃公壚署作酒泉郡遊戲稱醉侯非關戀良醞

二

結契偏人外鍾情濁酒多何須念嵇阮醒醉卽山河

阮公白眼 一首

阮公眼何在青白徒紛紛典午簪受禪曾爲九錫文

豐城劍 一首

若令匣中死何似斗間雄華陰一劔土翻恨張司空

仲宣樓 二首

登樓聊極目何處坐消憂爰止瞻烏日依人總自羞

二

未解登樓意空懷作賦才景升徒豎子那得識鄒枚

習家池 一首

襄水爭雄地山公出鎮時安危俱度外日日醉臨池

九花虬 一首

虎竹天恩重微勞未可酬敢將百戰力更博九花虬

新豐 一首

驪山亦何重鴻門亦何輕爲問新豐市怎似一杯羹

細腰宮 一首

一種細腰宮強半無顏色自關薄命人何必忘朝食

擊賊笏 一首

寧俱此賊死不俱此賊生一死復何恨日月定西京

大夫松 一首

乍因秦燭熱終傍白雲孤愧爾千春下猶稱五大夫

寄衣曲 四首

隣子到龍堆寒衣却寄來只愁歸路遠幾日此衣迴

寒衣裁未就妾心先自寒淚痕千萬點倩去上征鞍

三

月下裁寒衣月光寒徹骨送君千里行總是關山月

四

血淚和衣擣恨衣還羨衣東風得相送日月向金微

橫山龍母廟 一首

雲浮山外白風入閣邊清龍種今何在空留龍母名

惡谿 一首

前有王逸少後有李長康惡溪故不惡千古揚奇轂

閨情部

七言律

宮詞 十首

翠幌深沉日似季幾番回首御屏前銅龍有水俱成淚

寶鴨無香更起烟
怨逐月明紈是扇
恨隨流去葉爲箋
多情欲撥還難撥
理得雲和第一絃

二

咫尺朝雲近御床
一程複道隔高唐
怕看寶氣釵爲燕
還憶琴心曲有凰
簾靜玉欄人倚影
漏長金鎖篆添香
傷情最是三通鼓
次第鐘聲報束粧

三

蟬鬢蛾眉簇隊聯
御階隨例聽傳宣
玳牙靈押花亭小
檀板三催玉笛偏
羞捧酒卮呼上壽
強裁裙幅學畱僊

詞臣多少含香侍
不進長門賦一篇

四

獨擁鮫綃半裊涼
御鑪前殿暗通香
含情自對鴛鴦瓦
望幸頻看璵璣章
曲斷纏頭新樂府
詞悲薄命古歌行
如今羨殺瑤姬草
伴得君王夢亦長

五

簾外晴暉御苑殘
風高穀和玉珊珊
平陽侍宴春承寵
昭應祈禳夜宿壇
淚鑣蠟紅空隱鳳
塵封鏡黛不開鸞
只餘繫臂紗如舊
檢向床頭獨自攤

六

兩丸日月百番催暮暮朝朝相伴哀歡館輦稀生薜荔
液池水弱隱蓬萊繡成並蒂花難折解盡連環結未開
倦倚熏籠還自懣偷摩雙頂禮如來

七

雕梁繚繞閉嬋娟空帶靈犀掠翠鈿含貝擬供才子賦
披圖羞送畫工錢心隨銅柱高擎掌戲學金鈎獨解拳
祇笑深宮無限恨君王猶自祝甘泉

八

玉音聽斷立躊躇獨望珊瑚碧樹株秋思風飄隨鴈子
春心水漲托鳧雛函愁欲碎藍田璧滴恨真成合浦珠
別殿促觴頻度曲曾傳湘怨一叢無

九

殿角風箏落枕遲夢回花宴半闌時祇疑扇鎖琉璃暗
翻怪裙鳴琥珀癡日近似教憐遠別天高未敢說相思
何如錦字流黃恨織得迴文尚寄詩

連理風殘折短柯無情紅粉誤青娥虬壺欲歇聽頻亂

鳳輦將來信又訛
翡翠近巢金屋少
葡萄新賜玉環多
亦知傾國終迴盼
少壯幾時奈老何

七言絕句

春日感懷

十八首

香閨何處落朱華
愁絕翻教恨有家
不奈春風人去後
桃枝重放舊年花

二

半炷鑪香月未斜
空閨無事獨吁嗟
尋常第一傷心處
穉女床前喚阿爺

三

孤鶴瑤琴怨未收
身將穉女理寒凋
銀缸欲啼人無語
獨自含啼下帳鉤

四

香墮朱顏蚤已摧
玉梳和淚下泉臺
况堪更讀唐人句
貧賤夫妻百事哀

五

一室香殘燕自來
平生遺恨鎖妝臺
封題如故人何處
欲檢春衣不忍開

六
錦花長濕淚珠重啓篋還疑別恨封剪尺自存衣自敝
千金不易舊裁縫

七
一別雙棲願已違不堪夢裏淚頻揮情知兩女關心甚
猶逐春風夜夜歸

八
鈿朶飄零寶髻傾去年哭爾正清明今宵風雨逢寒食
怕到清明又五更

九
空闌風急冷簾鉤滿目淒涼草色秋愁殺荒山雲雨夜
幾燈燐火對孤楸

十
已絕知音怯鼓琴高山猶在水流深眼前多少傷情處
不獨當年結髮心

十一
十載傭書負夙期曾將柔翰寄遙思至今灑盡千行淚
不忍重提贈婦詩

十二

漏鼓聽盡月朦朧
桂帳空垂怯曉風
不是邇來春睡少
夢魂強半悼亡中

十三

孤身無伴泣飄飄
雀鼠欺人婢僕驕
最是黃昏腸欲絕
枕邊和淚聽鳴刁

十四

日月如丸兩歲春
又看玉叶總帷新
采繁初薦香烟碧
孫婦行中少一人

十五

萬恨千愁寄斷絲
強將好語慰書癡
如今縱展滄池翼
終恨牛衣對泣時

十六

月夕花辰媚景遲
不將弱線廢論詩
琴心一斷音徽冷
纔到論詩便鎖眉

十七

長夜清樽病酒狂
叮嚀絮語繫君腸
不知君去狂何在
未飲先愁第一觴

十八

春愁眇眇寸陰除
寶燭無光泣絳紗
孤枕自憐如蕩子
歸家猶恐見楊花

閨怨

八首

漢家白羽募征羌
夫婿從戎事朔方
解去吳鉤無一物
獨餘明月照流黃

二

銀床冰簟不勝情
欲向遼西夢未成
自是關山行路絕
休教枝上打黃鶯

五六三

千重雲樹萬重山
望斷西風縹緲間
只恨沙平天一色
不知何處玉門關

下六四

妝罷攜筐獨上堤
兩行清淚伴鶯啼
東風不解深閨恨
猶拂垂楊葉向西

四五

借得西隣問卜錢
欲將問卜更流連
兒夫一去千餘里
恐道歸期又隔年

孤眠長自數更籌夜半鴻聲樓上頭起問北書歸未得
開簾空見月如鉤

七

紅顏消盡舊雲鬟淚滴楊花兩袖斑不信相思終化石
千秋那得望夫山

八

梅花帳冷碧紗秋夜夜烏棲曲裏愁多少月明砂磧淚
狂夫猶自說封侯

宮怨

三首

月影寒侵睡未安淚珠如霰濕猶彈非關夢見君王面
正見君王夢亦難

二

一輪殘月伴迴廊百寶流蘇五色粧理盡陽臺神女夢
未知何處覓襄王

三

眉峰千結懶塗鴉春色長看繫臂紗彈罷雲和知薄命
何須更妬石榴花

漢宮怨 四首

碧樹層層護寂寥
獨携明月卧鮫綃
君王未解顏如玉
只說黃金貯阿嬌

二

風來絲管自昭陽
暗地薰人珠翠香
不信君恩終似水
尋思還在白雲鄉

三

夜靜珠簾月亦愁
炤來清簟影還幽
何須更唱回風曲
翻落花香已若秋

四

臉帶芙蓉錦作霞
新聲教得度琵琶
無媒空自憐傾國
願入陽和公主家

長門怨 一首

鶴噉猿吟伴翠鈿
夜懸明月影孤眠
千金買得相如賦
不及高唐宋玉篇

唐宮怨 一首

重疊封章夜數籌
海棠酣睡正悠悠
却訝垂手歌中月
焰入宮泉亦不流

青樓怨

八首

千日盤桓一日別
攀桃攀李敲如咽
阿儂家住大堤頭
日日金鞭去不絕

二

大絃小絃次第陳
一彈三歎意難申
悠悠誰是知音者
慷慨新聲妙入神

三

子夜清歌促羽觴
臨行含睇出河梁
木將瓊佩畱晨炤
豈道金鑪換夕香

四

行塵陌上迷蒼蒼
何以贈之淚一行
換得明珠明似月
夜深寒色斷人腸

五

鴛鴦綵綺勝琅玕
自把金刀剪合歡
恨殺一鞭樽酒冷
淚痕漬斷不會乾

六

郎寄加餐惜舜華
妾心脉脉度琵琶
傷情最是相思子
却見辛夷又放花

七

南箕北斗酒初醒
沅沚澧蘭付短亭
枕臂自憐空掩抑
非關河畔草青青

八

比翼烏啼連理枝
流蘇百寶斷腸時
清暉拾得橫塘月
點點春心寄與誰

七夕怨

十首

銀漢依稀辨月光
笑開星曆待仙郎
不嗟天上經年別
翻恨人間秋夜長

二

月炤關山萬里青
銀河長逐淚珠零
可憐織女停梭夜
猶有迴文織未停

三

月冷天街烏鵲愁
霓裳露濕還流人
間但解憐春色
底事仙家愛素秋

四

啼痕籠頰露籠梢
乞巧還逢織女嘲
却恨燕飛不似鵲
啣泥終日自填巢

五

明月機中錦字光
今宵隨例罷流黃
一般河漢分深淺
但渡牛郎不渡郎

六

南隣歡笑北隣歌
瓜果喧喧說渡河
暗恠阿儂心性異
小窓無語看嫦娥

七

星影雙雙月影孤
不聽喜鵲聽啼烏
夜殘擣素砧
曾到支機石上無

八

萬道星榆兩道穿
西風是處別離天
臨河莫悵歡娛短
一夕人間已一年

九

一孔金針一孔愁
強排香果告牽牛
從今莫似征夫拙
十載漁陽未拜侯

十

玉露無聲寶扇移
人間天上合歡時
偶聞鵲語傳歸信
特爲郎留五色絲

七夕樂 十首

鸞珮星橋帶月逢
群仙高讌曲朦朧
儂家近得清平調
不入霓裳舊譜中

二

艷冶春情秋更深
羅衣小帶試同心
正持綵線聞郎喚
欲待穿針又放針

三

月下凭肩望月華
半嗔半笑問仙家
終年織得情千縷
不織人間並蒂花

四

漢渚遙光一縷開
花前花後送郎迴
見儂針線憐儂巧
帶笑敲敲喚夜來

五

鏡臺光裏九華開
七寶妝成不待催
誰信天街今夜月
銀河深似合歡杯

六

風吹帝子珮環聲
賦罷催粧斗欲橫
約道詩成先得巧
故停織手待卿卿

七

夜靜流蘇惜寶薰
語深嘗恐侍兒聞
但留一幅烏絲字
賽取天孫五色雲

八

錦幕風吹香氣和
碧瓊綃薄夜涼多
金蓮本是凌波步
催結星橋學渡河

九

翠帳芙蓉露正濃
天津佳信聽疎鐘
西園青鳥震於鵲
不報黃姑只報儂

十

燈前兒女半嬌痴
坐待中宵乞巧時
一咲拾將瓜果去
齊封金合鬪蛛絲

代別

四首

寒葉中庭夜有霜
癡情那便付離觴
東方柱自誇夫婿
試聽羅敷陌上桑

二

淚滴征裘血未乾
酒闌低語送餘歡
知卿不賣長門賦
好把黃金莫浪看

三

歌眉初展淚珠凝
腸斷西風恨不勝
贈得一枝殘柳去
目今誰是許中丞

四

唱罷離歌日已曛
亂來秋思劇紛紛
惟餘一片橫塘月
留向明年好待君

代荅

四首

風引相思曲入雲
匆匆只許兩人聞
羅敷不是尋嘗婦
且向他年看使君

二

江干離色帶秋陰
抱得琴心怕理琴
一曲放歌將進酒
狂來元不問黃金

三

香飛雙袖入清箏
眼擲春心送客行
但保長條青似舊
莫教憔悴爲君平

四

綠酒千杯惱夜長
癡情無奈惜餘香
橫塘月色知應好
只恐寒光欲斷腸

閒情 二首

酒杯初入舞衣多
記得當時子夜歌
香氣只今猶在臂
可憐無棹渡天河

二

燭下雲鬟映綺筵
相逢疑是玉嬋娟
長思欲作高唐賦
何處風塵問楚天

催妝詩爲聞子將賦 七首

妝閣初分建鄴秋
烏絲裁就與郎收
倩郎爲寫唐人句
南國佳人字莫愁

二

花容半掩未全開
却扇還疑玉鏡臺
偷眼覩郎郎不見
隔簾低語喚郎來

子將近戲

三

曉起新妝怯大娘
鵲橋初過碧天涼
與君咫尺分河漢
幾度臨窓錯認郎

四

明鏡頻將炤玉顏
嬌情強半托雲鬟
郎君未解修眉史
不盡遠山盡近山

五

銀缸初熠綺筵遲政是湘靈鼓瑟時莫和鳳將雛一曲
為郎先和鹿鳴詩

六

江天秋水不生波桃葉風流渡口多少長橫塘殊未識
聽郎且唱采蓮歌

七

香滿妝臺鏡是鸞故開嬌面與郎看不妨共說休文瘦
才子風流別樣歡

五言律

美人看畫

瘦肩吾有美人看畫詩云欲知畫能巧
喚取真來映並出似分身相看如照鏡

安釵等疎密着領俱周正又云轉手齊裾亂橫簪
歷髮垂數語頗膾時口要是泥塑木偶耳止得一
結不分他相識惟聽使君知差強人意余所最喜
者簡文帝可憐俱是畫誰能辨偽真二語絕得箇
中佳趣然如分明淨眉眼一種細腰身所可特為
異長有好精神俗父面孔令人欲嘔也暇與友輩
商推及此率爾揮毫輒得十二首語曰作詩
必此詩便知非詩人聊為存此一段公案

忽忽難為似依依別有真青蓮雙照夜穠李競驕春共
好修眉史翻憐作影身傾城誰獨立猶說漢佳人

二

一種蛾眉恨千秋總未磨竹斑如爲泣花笑不聞歌着
黛嫌香少凝朱惜粉多並看嬌欲亂比妾定如何

三

不帶忘憂草相看思轉繁尹姬愁對伴裴女恨離魂鏡
匣光猶照簾垂影未昏何堪滿眼淚爾我共無言

四

莫論人共妬正覺我猶憐理繡疑傳譜調箏待比絃如
逢鬪草隊並上采蓮船試奏歸風曲看誰履欲仙

五

誰道琉璃暗盈盈兩面光楚江初結伴漢殿復分行虹
起橋難渡雲飛舞不妨只憐今夜月彼此總無郎

六

一般圖畫裏絕世定誰誇未試凌波襪安知解語花眉
均山際黛唾並石間華坐對渾忘妬終須勝趙家

七

兩兩人如玉依微映綺牕題名爭第一品貌妬無雙愁
劇神恒似情癡意未降尚嫌難識別呼剪剔殘缸

八

未問鴛鴦偶雙看似鵲鴿含情餘夢寐寫照在丹青怨
絕仍難語嬌深只自醒數峰江上遠還向曲中聽

九

我家桃葉渡君住苧蘿村靦面非交臂傷心各斷魂帶
寬誰獨瘦尊煖欲同論相喚不相答月明白閉門

十

無心裁尺素有恨託生綃念我身爲畫看郎影亦嬌何
須雲作袖况與柳分腰未得周郎顧空憐大小喬

十一

乍出臨春閣疑登弄影池淡應空世艷秀自療人饑獨
至神傳處偏關淚盡時憑教心似髮未比血如絲

十二

本是條風館如添合德香祇將縑比素未見鳳求凰佳
艷真雙絕溫柔自一鄉何須煩棘刺相對已神傷

悼亡部

七言絕句

輓徐然明 四首

江左風流第一群雅知健筆氣凌雲文章有種傳人世

不把無兒更恨君

二

誰是桃源好避秦
武陵去處總迷津
從今摩頂歸天上
莫向人間作石麟

三

詞林久已誦餘芬
天帝何心亦好文
佳句恐教長吉妬
玉樓未必敢邀君

四

標韻如君亦太奇
悠悠世眼總相宜
衆香國裏頻來往

遊戲人間知未知

寓金陵懷亡婦

六首

每向粧臺憶畫眉
遺簪墮履總堪悲
客中漫說音徽邈
偶聽簫聲淚已垂

二

兩女呼爺爺客居
呼娘娘去竟何如
卽今有信空相寄
腸斷平安一紙書

三

八月秋寒客邸身
閨中誰是寄衣人
不須論到情深處

一度西風一淚痕

四

秋風江上布颿遲回首慈親淚若絲此日總帷相對罷
一番痛嬾一思兒

五

客舍銷魂月半庭分明夢裏語叮嚀淚珠一夜飛千點
依舊殘燈睡未醒

六

曾憶當年赴帝京幾番買卜問秋聲如今秋色依然在

別作重泉一段情

輓李夫人蒲州太史印渚之母三首

色養方當奉板輿俄驚風馭引霞裾特留絳帳文宣業
史筆重修司馬書

二

白華詩共蓼莪賡想像栝樅淚欲橫遺範首陽山色裏
秋霜依舊對清卿

三

一聽金母白雲謠靜好音容謝絳綃林下風猶餘彷彿

清泉飛瀑滿中條

輓顧農長八首

農長所
建子也

十載篝燈伴絳紗暫跌嫩草點空花再來仙骨原無恙

應認南湘外史家

所建別號
南湘外史

二

浮雲不繫去來蹤秋入淮南月正濃二十四橋行未遍
便尋仙逕到三峰

三

玉塵翩翩下白袍

農長臨逝見白袍
老人携玉塵引之

香車引上闈風高

賦才應為枚生妬不及維揚八月濤

四

點綴乾坤一錦囊商飈夜促玉京裝青泥不露蓮花色

故示芳蘭十日香

農長逝後作十
日香似蘭氣

五

雪案芸窓總黯然已成六翮未摩天文章自是千秋業
不為浮生結小年

六

不御冰綃御色絲千年生面在浮黎三編自北雙南重

莫道傳經已不違

農長讀書浮黎館著扈子三編

七

一代編年兩世才何緣玉樹忽先摧雖然暫領脩文局
終了班家漢史來

八

兩泣風愁思子臺九闌消息幾時迴一枝想自憐瑤艸
將乞二珠海上來

五言律

哭涇陽顧先生

十首

古道今為楷先生真士夫

邵文莊公云願為真士夫不願為假道學

著書宗

易簡定性闢虛無地喜宮墻近天驚雷電呼朝聞何所

憾泉下印程朱

二

時方為先生請謚

名豈人間老風為天下師皋比尊舊講梁木上新祠國
乘山公啟輿評有道碑百年今論定翹首易名時

三

白髮膺新命青山老故園已專天爵貴不羨上公尊
今古吳碑字春秋孔廟樽萬年喬木在莫道是陳根

四 先生評 册立評並封 凡數疏終 迓相國以去

一代 元良疏千年 社稷臣 天王元自聖丞相不
妨嗔人已商山老名還漢殿新但畱後凋節長發歲寒
春

五

龍山空氣象涇水尚精靈雅量欣無我高風耻獨醒河
流不擇細蘭臭有餘馨只咏緇衣句教人淚自零

六

三黜非長往千秋是大還名仍司馬重道竟卧龍閒捧

日心猶壯憂時淚未刪蒼生應罷市更為望東山

七

小心方証聖 先生存小浩氣忽歸天不夜泉臺月長春

壠道年文雄秦百二 先生舊刻業起魯三千後死誰傳

鉢臨風一黯然

八

南斗收靈宿東林失主盟離羣先泣雁求友並悲鶯 涇

先生以丁未歲逝先生與寶應劉靜之 先生昆陵薛玄臺師同以壬子歲逝氣短疑天意心

驚為國楨所欣家學在不愧父齊名

九

點首三生事通家兩代盟已知時盡備終覺寶難名世
道看憂樂人情失喜驚惟留郭子歎含涕望瑤京

十先生題余稿有
夾護桑榆之句

聖朝悲一老國士淚千秋吾道仍龍象浮名自鷺鳩擎
天疑向岱渡世恠藏舟慙愧南金贈桑榆望未酬

悼王凝明 一首

一自金刀掩空令望十牛斷腸華屋處回首竹林遊塵
尾千行淚琴轂一曲愁鍾情偏我輩不獨爲風流

江右聞 先君子訃 四首

江館乘潮夜親闈撤瑟時王程當暑急鄉信到秋遲將
父慚多士終天痛獨知憑教如雨淚擗踊已愆期

二

病骨方如醉驚魂倍似迷恨嫌僮僕慰痛畏友朋題天
斷飛雲北江流落日西淚枯雙眼盡哽絕不成啼

三

親舍驚長逝孤兒尚遠程歸心爭縮地客淚半吞聲添
七安慈母支床謝友生一官真是累忠孝竟何名

四

正苦勞兼夕加之痛斷腸人留雞骨瘦驛共鳥飛忙杖
每扶愁起書多倩淚裝采蘭空致薦未可補詩亡

五言古

悼蘭兒

懷汝近兩年去汝已廿日俯仰一生間瞠目時自叱三
十得汝兄少小稟弱質次兄頗崢嶸汝更露竒逸吾本
寡世福有汝萬願畢眉宇豁人懷雙瞳墨似漆憐汝幼
而慧意可繼吾筆吾行汝在手吾坐汝在膝啖汝粟與

棗教汝六與七吾酒汝舉杯賓筵勸無失吾讀汝尋聲
琅琅韻鐘律見者稱璧人百衆口如一錫汝嘉名蘭痛
矣芽初茁豈汝清淨根早謁維摩詰或吾生不辰汝代
斲其恤汝病方禁火卜人罔知吉倘悅吾自愚迴腸亂
于縞汝魂不可招哭聲紛內室聽之淒肝脾風雨添慟
慄吾亦晒西河不禁淚珠溢

澹寧居詩集下卷終

書